

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

- 1) **Boligstøtte aqutigalugu illuutillit 2013 aallarnerfigalugu illuutiminnik iluarsartuussinissamut pisortanit taperneqarsinnaanermik periarfissaat atuutileqqinnikuusoq qanormita atuisuniit soqutigineqartigaa?**
 - a) **Qinnuteqartut maannamut qanoq amerlatigisippat?**
 - b) **Taakkunanga akuerisaasut itigartitaasullu qanoq agguataarneqarpat?**

- 2) **Boligstøtte aqutigalugu illuutillit illuutimik iluarsarneqarnissaannut periarfissaat aningaasanut inatsimmi konto 87.72.23 ukiumut 2,3 mio. kr.-inik aningaasartalik Naalackersuisut naappertuuttut isigaat?**

(Inatsisartunut ilaasortaq Anders Olsen, Siumut)

Tungavilersuut:

Ilisimaneqartutuut BSU-mit taarsigassarsillutik illuutillit 100.000 kr.-t tikillugit iluarsartuussinissamut pitsanngorsaansamulluunniit atugassanik tapiiffigineqarnissamik periarfissaat ukiuni siuliini sipaarniutigineqarluni atorunnaarsinneqarsimagaluarpoq.

Siunnersuuteqarnermalu kingorna, taamatullu siunnersuutima taparserneqarneratigut periarfissaq taanna 2013-imiit BSU aqutigalugu illuutilinniit tapiiffigineqarnissamik periarfissaq atuutilerseqqinneqarluni.

Innuttaasullu uannut apuussiuarnerat aallaavigalugu paasinarsivoq periarfissaasup piffissap sivikitsuinnaap iluani BSU aqutigalugu illuutillit tapiiffigineqarnissamik qinnuteqarsinnaajunnaarsimasut aningaasaliissutaasut nungoreersimammata.

Tamanna soorunami iluoornersoq paaserusunnarpoq, taamaattoqarsimassappammi tapiiffigineqarnissamik periarfissap atuisuniit atorfissaqartinneqarluarsimanera takussutissaassammat.

Qinikkatut sineriassutsinni angalasarnitsinni takujuarpagut BSU aqutigalugu illuutit amerlasuutigut aserfallalluinnartarsimasut, taamaattumillu najugarissallugit ullutsinnut allaat ilaatigut naleqqukkunnaavittarlutik. Taamaattumik qularutissaanngitsumik atuisuniit periarfissamik taassumanga atorluarusuttut ilimagisamiit annertunerunissaat oqaatigineqarsinnaavoq, taamaalilluni ukiumut aningaasaliissutaasartut naliliiffigeqqinneqarnissaat isumaliutigisariaqarluni.

Neriullunga apeqquteqaatika ullut suliffiusut qulit iluanni akineqarumaartut.